



Rabu, 13 April 2022

Ogen: Kejadin 26:21-25



Kebebasan



Matawari, bulan, bintang, udan, oksigen, doni enda e me pemere Dibata si seri man kerina jelma. La erndobahen pemereNa e man banta. Kita tading i bas rumah si seri e me doni, janah kesempatan-kesempatan pe terbuka man banta kerina. Adi bage kai kin si mbedaken manusia enda? Sada ngenca e me kalak si makeken ras si la makeken kesempatan entah pe pemere Dibata e. Umpamana lit peluang jadi pegawai bas sada perusahaan. Lit si ngaloken kesempatan e tapi erkiteken keterbatasenna, mbiar ia namaken surat lamaren. E maka sinikkenna saja, la icubakenna namaken lamarena. Lit ka kalak si ngidah kesempatan e, ibuatna janah i pakekenna, tes me ia tapi la lulus (gagal) minter putus asa, janha bas tes peduakaliken lanai ia pang ncubakenca. Bas ukurna, 'labo ka kari dat man kai e.' Sidebanna lit singidah kesempatan e, ibahanna lamren janah iikutina tes, aminna pe ia la lulus, la ia surut. I bas kesempatan sidebanna mis ka bahanna lamarena ras iikutina ka ujian. Kune pe gagal la ka ia surut. I bas kesempatan sidebanna tetap icubakenna. Bas ukurna lit pagi paksana aku lulus. Kegagalan e mereken pelajaran si merga guna mpekena-kena si langa mehuli. I bas ingan sideban pagi reh ulina si banci ibahan.

Prinsip si petelukan enda me si ibahan Isak bas kegeluhenna. Isak anak Abraham si itandai kalak bayak dengen bapana pe mehaga. I Gerga isuruhna me suruh-suruhenna guna engkali sumur. Sumur si ikali e jadi perubaten, emaka miser ia, bas ingan sideban ikalina ka sumur. Bas ingan e lanai lit perubaten emaka ipakena sumur e. Sumur e mereken kebebasan man bana seh maka bebas akapna dengen sikap pe akapna nggeluh. Ngidah perbahanenna e Dibata nehken padanNa guna masu-masu ia dengen mereken enterem sinusurna. Pemere Dibata e nambahi semangat (rumatna) guna engkali sumur-sumur sideban bas ingan e.

Brian Dyson ngataken "*Jangan pernah menyerah ketika anda masih mampu berusaha lagi. Tidak ada kata berakhir sampai anda berhenti mencoba lagi.*"